

Na osnovu člana 10. Odluke o utvrđivanju uslova, kriterija i postupka raspodjele namjenskih sredstava prikupljenih po osnovu naknade za obavljene tehničke preglede vozila – kapitalni transferi privatnim preduzećima i poduzetnicima, broj 02/1-23-20994/24 od 03.09.2024. godine (u daljnjem tekstu: Odluka), Ministarstvo trgovine, turizma i saobraćaja raspisuje

JAVNI POZIV

za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja projekata izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona - kapitalni transferi privatnim preduzećima i poduzetnicima

1. PREDMET JAVNOG POZIVA

Predmet javnog poziva je raspodjela namjenskih sredstava u cilju sufinansiranja projekata izgradnje, postavljanja, spajanja i priključenja na elektroenergetsku mrežu, testiranja i puštanja u rad (princip "ključ u ruke") punionica za punjenje cestovnih vozila s pogonom na električnu energiju za javnu upotrebu (u daljnjem tekstu: punionica) na području Tuzlanskog kantona u ukupnom iznosu od 35.000,00 KM (slovima: tridesetpetiljada konvertibilnih maraka).

2. SREDSTVA ZA DODJELU

Sredstva se dodjeljuju privatnim preduzećima i poduzetnicima (u daljnjem tekstu: pravna lica) u cilju sufinansiranja izgradnje i postavljanja punionica koje su opremljene sa najmanje dva priključka/konektora za istovremeno punjenje električnih vozila na području Tuzlanskog kantona.

Sredstva se dodjeljuju u skladu sa Zakonom o izvršenju Budžeta Tuzlanskog kantona i planiranim sredstvima u Budžetu Tuzlanskog kantona.

Sredstva se raspoređuju u dva dijela i to:

- 1) 10.000,00 KM za izgradnju i postavljanje AC punionica (punionice sa sporim punjačima) i
- 2) 25.000,00 KM za izgradnju i postavljanje DC punionica (punionice sa brzim punjačima).

U slučaju neiskorištenosti planiranih sredstava za jednu od namjena, preostala sredstva se mogu iskoristiti za drugu namjenu.

3. PRAVO UČEŠĆA

Pravo učešća na javnom pozivu imaju sva pravna lica koja obavljaju uslužne djelatnosti na području Tuzlanskog kantona i imaju u svom vlasništvu ili suvlasništvu objekat poput hotela, motela, restorana ili caffe-a, benzinske pumpe sa restoranom/caffe-om i trgovački centri, svi sa minimalno dva parking mjesta koja su namijenjena za parkiranje vozila koja se pune na punionici.

Punionica koja je opremljena sa najmanje dva priključka/konektora za punjenje električnih vozila se postavlja na posebno obilježena parking mjesta na parkiralištima koja pripadaju prethodno navedenim objektima i u vlasništvu ili suvlasništvu su podnosioca prijave.

Punionice se moraju postaviti u neposrednoj blizini primarne mreže saobraćajnica (magistralne i regionalne ceste) na području Tuzlanskog kantona (pristup parkiralištu na koje se postavlja punionica se vrši direktno sa primarne mreže saobraćajnica bez bilo kakve prepreke za pristup mjestu za punjenje električnog vozila i bez bilo kakve potrebne dozvole za punjenje već po principu „connect&charge“), a prilikom odabira lokacije treba težiti da se iste postavljaju u blizini većih čvorišta, odnosno raskrsnica magistralnih cesta ili regionalnih cesta.

Podnosilac prijave je pravno lice koje:

- 1) ima sjedište ili poslovnu jedinicu na području Tuzlanskog kantona u okviru koje će se na parkiralištu objekta instalirati punionica,
- 2) podnese prijavu za korištenje sredstava u skladu sa uslovima iz Odluke i javnog poziva,
- 3) dostavi obaveznu dokumentaciju o ispunjavanju uslova u skladu sa Odlukom i javnim pozivom,
- 4) uloži vlastita finansijska sredstva,
- 5) je vlasnik ili suvlasnik parkirališta objekta na koje se postavlja punionica,
- 6) nema dospjelih, a neizmirenih obaveza po osnovu javnih prihoda (direktni i indirektni porezi).

4. PRIHVATLJIVOST TROŠKOVA I UDIO U SUFINANSIRANJU

Sredstva se raspodjeljuju za sufinansiranje projekata koji se odnose na izgradnju i postavljanje punionica, odnosno za sufinansiranje troškova nabavke i izvođenja građevinskih i elektroinstalacijskih radova, što uključuje nabavku i ugradnju punionica s pripadajućim elektroinstalacijskim razvodom, te puštanje u pogon.

Troškovi izrade glavnog projekta i stručnog nadzora nad izvođenjem radova se ne sufinansiraju, ali se isti uzimaju u obzir kao vlastito učešće u realizaciji projekta od strane podnosioca prijave.

Ukupan iznos sredstava za sufinansiranje radova po svakom projektu, odnosno prijavi iznosi:

- a) 50% od vrijednosti nabavki i radova iz predmjera i predračuna radova, a najviše 3.000 KM za AC punionice, minimalne snage po tački punjenja 2x11 kW (punionica sa sporim punjačima koja je opremljena s dva priključka, koji omogućavaju istovremeno punjenje dva električna vozila);
- b) 50% od vrijednosti nabavki i radova iz predmjera i predračuna radova, a najviše 20.000 KM za DC ili DC/AC punionice minimalne snage po tački punjenja od 2x25 kW DC ili minimalne snage od 1x30kW DC i 1x11kW AC (punionica sa brzim punjačima koja je opremljena s dva priključka, koji omogućavaju istovremeno punjenje dva električna vozila).

Prihvatljivi i opravdani troškovi su isključivo troškovi nastali kod podnosioca prijave nakon objave javnog poziva, osim troška izrade glavnog projekta (ukoliko je potrebna izrada glavnog projekta). Vrijeme nastanka troška utvrđuje se datumom izdavanja računa. Komisija opravdanost troškova utvrđuje uvidom u glavni projekat s pripadajućim troškovnikom radova i opreme, te uvidom u predračune ponuđača. Troškovi nabavke i ugradnje punionice su opravdani ako zadovoljavaju tehničke uslove.

Neprihvatljivi troškovi su: troškovi priključka punionice na distribucijsku mrežu kao i troškovi instalacije sistema za vlastito napajanje punionice (kao npr. fotonaponski sistemi), troškovi nabavke i ugradnje rabljene (polovne) opreme, troškovi održavanja, troškovi atesta, troškovi kontrole izvedenih radova, garancije na opremu, troškovi ispitivanja, troškovi koji proizilaze iz brzine odziva po prijavi kvara i svi ostali troškovi koji se ne odnose na troškove koji su prethodno navedeni kao prihvatljivi troškovi. Navedene troškove snosi podnosilac prijave i isti se ne smatraju njegovim učešćem u realizaciji projekta.

5. PODNOŠENJE PRIJAVE

Prijava se podnosi dostavljanjem popunjenog, ovjerenog i potpisanog propisanog OBRASCA 1 koji je sastavni dio Javnog poziva, a koji se može preuzeti na web stranici Ministarstva trgovine, turizma i saobraćaja Tuzlanskog kantona: <https://mtstk.gov.ba>, odnosno Vlade Tuzlanskog kantona: <https://www.vladatk.gov.ba/>.

Podnosilac prijave obavezno popunjava sve rubrike u prijavi isključivo na računaru i istu ovjerava potpisom ovlaštenog lica i pečatom pravnog lica.

Podnosilac prijave (pravno lice) je dužan dostaviti sljedeću dokumentaciju kojom dokazuje ispunjavanje uslova:

- 1) Prijavni obrazac koji je sastavni dio javnog poziva (ovjeren i potpisan od strane podnosioca prijave) (OBRAZAC 1);
- 2) Potvrdu o izmirenim obavezama po osnovu javnih prihoda (direktni i indirektni porezi), ne stariju od 30 dana od dana prijave na javni poziv (original ili ovjerena kopija);
- 3) Potpisanu i kod nadležnog organa ovjerenu Izjavu (OBRAZAC 2):
 - da će podnosilac prijave osigurati vlastita sredstva za realizaciju prijavljenog projekta,
 - da će podnosilac prijave izgraditi punionicu koja će se koristiti za javnu upotrebu,
 - da je podnosilac prijave uredno ispunio obaveze iz svih prethodno sklopljenih ugovora o finansiranju iz budžetskih sredstava;
 - da ne postoji višestruko finansiranje istih troškova po prijavljenom projektu;
 - da će podnosilac prijave nakon izgradnje punionice i stavljanja iste u upotrebu, podatke o punionici i vlasniku punionice unijeti u evropske, regionalne i bosanskohercegovačke baze i interaktivne mape punionica, a sve u cilju informisanja vozača električnih vozila o lokaciji punionica, njihovim karakteristikama i radnom vremenu.
- 4) Potpisanu i ovjerenu Izjavu od strane podnosioca prijave o primljenoj državnoj pomoći male vrijednosti (de minimis) (OBRAZAC 3);
- 5) Potvrdu ili uvjerenje suda da pravno lice nije pod stečajem ili da nije predmet postupka likvidacije ili da nije u postupku obustavljanja poslovne djelatnosti (original ili ovjerena kopija);
- 6) Ugovor sa bankom o otvaranju posebnog transakcijskog računa na koji će se doznačiti odobrena sredstva – pravno lice za potrebe projekta mora otvoriti poseban transakcijski račun u banci (ovjerena kopija);
- 7) Rješenje o upisu u sudski registar (ovjerena kopija);
- 8) Uvjerenje o poreskoj registraciji kod Porezne uprave FBiH (ID broj) (ovjerena kopija);
- 9) Dokaz da je objekat i parkiralište na kojem će se izgraditi i postaviti punionica izgrađen/izgrađeno u skladu sa pozitivnim zakonskim propisima (ovjerena kopija upotrebne dozvole za objekat i parkiralište);

- 10) Dokaz o vlasništvu ili suvlasništvu objekta - zemljišno-knjižni izvadak katastarske čestice kojim se dokazuje vlasništvo objekta i parkinga na kojem se izgrađuje/postavlja punionica ne stariji od 30 dana od dana prijave na javni poziv, ako objekat sa parkingom nije u 100% vlasništvu podnosioca prijave isti prilaže i kod nadležnog organa ovjerenu izjavu da su suvlasnici saglasni s provedbom projekta (original ili ovjerena kopija);
- 11) Ukoliko se u dokumentima pod tačkom 9) i 10) razlikuju brojevi katastarskih čestica, potrebno je dostaviti uvjerenje/potvrdu nadležnog organa za katastar o istovjetnosti čestica (original ili ovjerena kopija);
- 12) Glavni projekat, ukoliko je potrebno izraditi, s odobrenjima, saglasnostima i posebnim uslovima priključenja, ako su potrebna (jedan primjerak u štampanoj i jedan primjerak u elektronskoj formi);
- 13) Ukoliko nije potrebno odobrenje za građenje, urbanistička saglasnost ili druga vrsta odobrenja ili saglasnosti, potrebno je dostaviti akt nadležnog organa za izdavanje navedenih odobrenja i saglasnosti da ista nisu potrebna za prijavljeni projekat (original ili ovjerena kopija);
- 14) Predračune pribavljene i ovjerene od strane izvođača radova u kojima su navedeni svi troškovi opreme sa tehničkim opisom opreme, radova i usluga s naznačenim količinama, jediničnim cijenama i istaknutim PDV-om (kopija);
- 15) Elektroenergetsku saglasnost ili elaborat optimalnog tehničkog rješenja priključenja ili Izjavu ovlaštenog projektanta koji temeljem izrađenog glavnog projekta potvrđuje kako ishodovanje nove elektroenergetske saglasnosti nije potrebno (original ili ovjerena kopija);
- 16) Fotodokumentaciju postojećeg stanja lokacije, moguće dostaviti i kao sastavni dio glavnog projekta.

Tražena dokumentacija mora biti popunjena na računaru, složena, uvezana i numerisana redoslijedom kako je to navedeno u Javnom pozivu. U protivnom, prijava neće biti razmatrana.

Ako se podaci koji se navode u prijavnom obrascu i dostavljenim dokumentima uz prijavu razlikuju, Komisija će mjerodavnim podacima smatrati one čiju tačnost može nesporno utvrditi.

Prilikom zaprimanja prijava, prijavi se dodjeljuje redni broj hronološki prema datumu i vremenu zaprimanja.

Prijave pristigle po objavljenom javnom pozivu koje su pravovremene, dopuštene i podnesene od strane podnosioca prijave koji imaju pravo učešća na Javnom pozivu, a sadrže svu potrebnu dokumentaciju, ocjenjuju se u skladu s uslovima i kriterijima utvrđenim Odlukom.

Podnosilac prijave u roku za dostavu prijave, može dopuniti istu. Prijava u slučaju dopune dobija novi redni broj.

Od podnosioca prijave, koji je dostavio svu obaveznu dokumentaciju, Komisija može zatražiti pojašnjenje. U slučaju pojašnjenja prijava ne dobija novi redni broj, već se nastavlja voditi po prethodno hronološki dodijeljenom rednom broju.

Komisija neće razmatrati prijave:

- 1) koje su dostavljene prije službene objave javnog poziva,
- 2) koje su dostavljene nakon isteka kalendarskog roka za dostavu prijave po javnom pozivu,

3) koje su dostavljene od podnosioca prijave koji nije predviđen kao korisnik sredstava.

6. IZBOR KORISNIKA SREDSTAVA I PRAVNA ZAŠTITA

Ministar trgovine, turizma i saobraćaja (u daljnjem tekstu: ministar) će rješenjem imenovati Komisiju za ocjenu pristiglih prijava i raspodjelu sredstava (u daljnjem tekstu: Komisija), koja će biti zadužena da razmotri prijave po javnom pozivu za dodjelu sredstava i utvrdi da li su ispunjeni uslovi i kriteriji utvrđeni Odlukom, te sačini preliminarnu listu sa nazivom pravnog lica, nazivom projekta, vrijednosti projekta i iznosom dodijeljenih finansijskih sredstava.

Kriteriji za bodovanje prijavljenih projekata su sljedeći:

Red.br.	Kriterij za bodovanje projekta	Broj bodova
1	Punionica se izgrađuje i postavlja u neposrednoj blizini: <ul style="list-style-type: none">- raskrsnice dva magistralna puta- raskrsnice magistralnog puta i regionalnog puta- magistralnog puta- raskrsnice dva regionalna puta- regionalnog puta	10 9 8 7 6
2	Projekat se finansira od strane podnosioca prijave i drugog izvora finansiranja u ukupnom iznosu od vrijednosti projekta: <ul style="list-style-type: none">- do 50 %- 51 - 60 %- 61 – 70 %- Preko 71 %	5 7 9 10

Prema navedenim kriterijima Komisija vrši bodovanje prijavljenih projekata.

Ukoliko se prilikom bodovanja utvrdi isti broj bodova za više projekata, prednost ima projekat za koji je prijava ranije podnesena.

Na osnovu izvršenog bodovanja prijavljenih projekata Komisija će formirati rang listu projekata, a na osnovu koje će se formirati preliminarna lista.

Ministarstvo objavljuje preliminarnu listu na web stranici Vlade Kantona i Ministarstva, na koju podnosilac prijave može podnijeti prigovor.

Rok za pisani prigovor na preliminarnu listu po javnom pozivu je pet dana od dana objave preliminarne liste na web stranici Vlade Kantona i Ministarstva.

Prigovor se upućuje u pisanoj formi ministru.

Odluku o prigovoru donosi ministar u roku od pet dana od dana isteka roka za prigovor.

Odluka ministra po izjavljenom prigovoru je konačna.

Po okončanju roka za prigovor na preliminarnu listu i nakon rješavanja prigovora, ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom.

Odluka o utvrđivanju konačne liste objavljuje se na web stranici Vlade Kantona i Ministarstva.

U roku od 15 dana od dana donošenja Odluke o utvrđivanju konačne liste, Ministarstvo zaključuje ugovor sa podnosiocem prijave, kojim će se regulisati međusobna prava, obaveze i odgovornosti.

Ugovor stupa na snagu danom potpisivanje obje ugovorne strane, čime korisnik sredstava prihvata uslove zajedničkog sudjelovanja u sufinansiranju, te se obavezuje uložiti vlastita sredstva.

Ugovorom se posebno uređuje:

- 1) predmet Ugovora,
- 2) iznos odobrenih sredstava Ministarstva i ukupna vrijednost projekta,
- 3) način i uslovi isplate dodijeljenih sredstava Ministarstva na bankovni račun korisnika sredstava,
- 4) vremenski rok za realizaciju projekta i rok za dostavljanje izvještaja sa pratećom dokumentacijom,
- 5) mogućnost uskraćivanja svake moguće daljnje finansijske pomoći korisniku sredstava od strane Ministarstva, kao i mogućnost uskraćivanja sudjelovanja u javnim pozivima za sufinansiranje iste vrste projekata ukoliko korisnik sredstava ne realizira projekat u skladu sa preuzetim ugovornim obavezama,
- 6) obaveza korisnika sredstava da postavljenu punionicu zadrži u funkciji u periodu od najmanje pet godina od dana stavljanju u funkciju iste,
- 7) način praćenja i kontrole namjenskog utroška dodijeljenih sredstava Ministarstva,
- 8) vidljivost Vlade Kantona i Ministarstva,
- 9) ostala međusobna prava i obaveze.

Korisnik sredstava je obavezan nakon izgradnje punionice i stavljanja iste u upotrebu, podatke o punionici i vlasniku punionice unijeti u evropske, regionalne i bosanskohercegovačke baze i interaktivne mape punionica, a sve u cilju informisanja vozača električnih vozila o lokaciji punionica, njihovim karakteristikama i radnom vremenu.

7. ROK ZA DOSTAVLJANJE PRIJAVE

Rok za dostavljanje prijave na javni poziv je 01.11.2024. godine.

Javni poziv će biti objavljen na web stranici Ministarstva: <https://mttstk.gov.ba> i web stranici Vlade Tuzlanskog kantona: <https://www.vladatk.gov.ba/>.

Smatra se da je prijava blagovremena ukoliko je zaprimljena u Centralnoj pisarnici Ureda za zajedničke poslove kantonalnih organa Tuzlanskog kantona, u ulici Fra Grge Martića br. 8, do 01.11.2024. godine do 15,00 sati.

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu Ureda za zajedničke poslove kantonalnih organa Tuzlanskog kantona nakon utvrđenog roka (nakon 01.11.2024. godine), preuzima rizik neblagovremenosti i njegova prijava, kao neblagovremena, neće biti razmatrana.

Nepotpune i neblagovremene prijave na ovaj Javni poziv neće se uzeti u razmatranje.

8. MJESTO I NAČIN PODNOŠENJA PRIJAVE

Prijave se podnose Ministarstvu u zatvorenoj koverti, preporučeno putem pošte na adresu:

**Ministarstvo trgovine, turizma i saobraćaja Tuzlanskog kantona
Fra Grge Martića 8, 75000 Tuzla**

ili lično na Centralnu pisarnicu Ureda za zajedničke poslove kantonalnih organa Tuzlanskog kantona koja je smještena u zgradi Tehnograd Company, u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

NE OTVARATI

PRIJAVA NA JAVNI POZIV

za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona– kapitalni transferi privatnim preduzećima i poduzetnicima – 2024

Na poledini zatvorene koverta obavezno je navesti: naziv, adresu i kontakt telefon podnosioca prijave (pravnog lica).

9. OSTALE ODREDBE

Odabrani korisnici sredstava se obavezuju promovisati u svojim javnim nastupima provedbu projekta i ostvarene rezultate, te kroz svoje promotivne aktivnosti navoditi Vladu Tuzlanskog Kantona i Ministarstvo trgovine, turizma i saobraćaja Tuzlanskog kantona kao institucije koje sufinansiraju projekat, te isto uz izvještaj potkrijepiti dokazima (info tabele, brošure, promotivni materijal u digitalnom obliku, plakati, videozapisi, članci iz novina i sl.).

Ministarstvo ne snosi nikakve troškove podnosiocu prijave u pripremi i dostavljanju prijave po ovom Javnom pozivu.

Prijava i dokumentacija po ovom Javnom pozivu ne vraća se podnosiocu prijave.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12,00 do 14,00 sati na jedan od slijedećih brojeva telefona: 035-369-399 ili 035/369-487.

Nadzor nad korištenjem odobrenih sredstava kontinuirano će vršiti Komisija za nadzor koju će posebnim rješenjem imenovati ministar.

Sastavni dio javnog poziva je:

- OBRAZAC 1 – Prijava na javni poziv za raspodjelu namjenskih sredstava prikupljenih po osnovu naknade za obavljene tehničke preglede vozila u cilju sufinansiranja izgradnje i postavljanja punionica za punjenje cestovnih vozila s pogonom na električnu energiju za javnu upotrebu na području Tuzlanskog kantona– kapitalni transferi privatnim preduzećima i poduzetnicima
- OBRAZAC 2 – Izjava podnosioca prijave;
- OBRAZAC 3 – Izjava o primljenim de minimis pomoćima i drugim državnim pomoćima
- OBRAZAC 4 – Pregled minimalnih tehničkih uslova za punionice.

Ministarstvo trgovine, turizma i saobraćaja

MP

MINISTAR
Denis Bećirović

